



Broj: 05-JN1-16-4-TB-66-18/24

Sarajevo, 30.10.2024. godine

Na osnovu člana 64. stav (1) tačka b) i člana 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktorica Direkcije za evropske integracije d o n o s i:

O D L U K U

o izboru najpovoljnijeg ponuđača

Član 1.

(1) Na osnovu provedenog postupka nabavke, putem konkurentskog zahtjeva za nabavku računarske opreme nakon provedene e - aukcije kao najpovoljniji ponuđač izabran je ponuđač Rebus d.o.o. Sarajevo po ukupnoj cijeni ponude u iznosu od 17.250,00 KM bez PDV - a, sa kojim će se zaključiti Ugovor o kupoprodaji za predmetnu nabavku.

(2) Ponuđač Rebus d.o.o. Sarajevo u svojoj ponudi ponudio je 10 (deset) komada računara modela Lenovo ThinkCentre neo 50a 24 Gen 5 i 1 (jedan) komad multifunkcionalnog štampača modela HP LaserJet Pro MFP 4103fdn 2Z628A, koji svojim tehničkim karakteristikama u potpunosti odgovaraju tehničkoj specifikaciji iz Obrasca za cijenu ponude.

Član 2.

(1) Ova Odluka će se objaviti na internet stranici Direkcije za evropske integracije te istovremeno uputiti svim učesnicima koji su učestvovali u postupku javne nabavke, u skladu sa članom 70. stav (6) Zakona.

(2) Odluka stupa na snagu danom donošenja.

O b r a z l o ž e n j e

Odlukom broj: 05-JN1-16-4-TB-66/24 od dana 15.08.2024. godine pokrenut je konkurentski zahtjev za nabavku računarske opreme, za potrebe Direkcije za evropske integracije.

U skladu sa članom 35. stav 1. i 36. stav 1. Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), Ugovorni organ objavio je obavještenje o pokretanju konkurentskog zahtjeva za nabavku računarske opreme.

Do krajnjeg roka za dostavu ponuda, na Protokol Direkcije za evropske integracije, prispile ukupno 4 (četiri) koverta, uredno zapečaćene i neotvorene niže navedenih ponuđača:

Broj protokola	Naziv ponuđača	Datum prijema
05-JN1-16-4-TB-66-9/24	EMADO d.o.o. Sarajevo	03.10.2024. godine
05-JN1-16-4-TB-66-10/24	PR. Media Market Prijedor	07.10.2024. godine
05-JN1-16-4-TB-66-11/24	Rebus d.o.o. Sarajevo	07.10.2024. godine
05-JN1-16-4-TB-66-12/24	INTER - COM d.o.o. Zenica	07.10.2024. godine

Također, Komisija je konstatovala da je nakon krajnjeg roka za dostavu ponuda na Protokol Direkcije za evropske integracije zaprimljena ponuda ponuđača IMTEC d.o.o. Sarajevo. U skladu sa članom 63. stav (1) Zakona zaprimljena ponuda je putem pošte vraćena ponuđaču IMTEC d.o.o. Sarajevo.

Komisija je 07.10.2024. godine u 14.30 sati u punom sastavu pristupila javnom otvaranju ponuda, na kojem nije prisustvovao nijedan od ovlaštenih predstavnika ponuđača.

Komisija je potom pristupila pregledu opće dokumentacije, odnosno ocjeni kvalifikacije ponuđača, a imajući u vidu zahtijevane uslove za učešće, odnosno dokaze o ispitivanju istih.

Nakon pregleda zaprimljenih ponuda, Komisija je konstatovala da je ponuda ponuđača PR. Media Market Prijedor nepravilna.

Naime, konkurentskim zahtjevom za dostavu ponuda za nabavku računarske opreme tačkom B. Podaci o predmetu javne nabavke 4) Tehnička specifikacija i u Obrascu za cijenu ponude Aneks 1. traženo je da je ponuđač dužan u ponudi uz Obrazac za cijenu ponude Aneks 1. dostaviti i originalni predračun na memorandumu svoje firme sa tačnim nazivom i svim karakteristikama opreme koju nudi u skladu sa tehničkom specifikacijom.

U svojoj ponudi ponuđač PR. Media Market Prijedor dostavio je Aneks 1. Obrazac za cijenu ponude i Predračun (broj: 05737/24 od dana 04.10.2024. godine) na memorandumu svoje firme.

Ponuđač je u dostavljenom predračunu naveo da nudi model HP LaserJet Pro MFP 4102fdn multifunkcionalnog štampača, koji svojim tehničkim karakteristikama u potpunosti odgovara tehničkoj specifikaciji iz Obrasca za cijenu ponude, odnosno zahtjevima konkurentskog zahtjeva za dostavu ponuda.

Međutim, Komisija je konstatovala da ponuđač PR. Media Market Prijedor u dostavljenom Predračunu (broj: 05737/24 od dana 04.10.2024. godine) nije dostavio tražene minimalne tehničke karakteristike ili bolje karakteristike za računar 10 (deset) komada koji nudi, kako je zahtijevano u Aneksu 1. Obrazac za cijenu ponude, odnosno konkurentskim zahtjevom za dostavu ponude. U skladu sa navedenim, Komisija je konstatovala da je ponuda ponuđača PR. Media Market Prijedor nepravilna, jer nije dostavljena u skladu sa Aneks 1. Obrascu za cijenu ponude, odnosno u skladu sa zahtjevima iz konkurentskog zahtjeva za dostavu ponuda.

Nakon eliminisanja ponuđača PR. Media Market Prijedor Komisija je konstatovala da su ostali ponuđači dostavili svoje ponude koje su prihvatljive, te su dostavili ukupne vrijednosti svojih ponuda kako slijedi:

Naziv ponuđača	Ukupna cijena ponude bez PDV-a	Ponuđeni popust	Ukupna cijena ponude sa popustom bez PDV-a
INTER - COM d.o.o. Zenica	22.300,00	0,00	22.300,00
EMADO d.o.o. Sarajevo	22.530,00	0,00	22.530,00
Rebus d.o.o. Sarajevo	22.590,00	0,00	22.590,00

Na osnovu Pravilnika o uslovima i načinu korištenja e-aukcije, („Službeni glasnik BiH“, broj 66/17), u predmetnom postupku zakazana je i provedena e-aukcija dana 28.10.2024. godine sa početkom u 12.00 sati na Portalu javnih nabavki.

Konačna rang lista ponuđača koji su učestvovali u e aukciji:

Redni broj	Naziv ponuđača	Konačna cijena u KM bez PDV-a	Rang
1	Rebus d.o.o. Sarajevo	17.250,00	1
2	INTER - COM d.o.o. Zenica	17.300,00	2
3	EMADO d.o.o. Sarajevo	22.530,00	3

Na osnovu Izvještaja o toku i završetku e-aukcije, a u skladu sa kriterijem „najniža cijena“, Komisija je dala preporuku direktorici Direkcije za evropske integracije da donese Odluku o izboru najpovoljnijeg ponuđača i dodjeli Ugovor za nabavku računarske opreme ponuđaču Rebus d.o.o. Sarajevo po ukupnoj cijeni ponude u iznosu od 17.250,00 KM bez PDV-a.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku. Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, nakon što ponuđač Rebus d.o.o. Sarajevo u ostavljenom roku dostavi dokaze o kvalificiranosti prema članu 45. Zakona početi će sa procedurom zaključenja Ugovora.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 5 (pet) dana od dana prijema ove odluke.

Dostaviti:

1. Učesnicima u javnoj nabavci
2. a/a

